

BATHO BA GO TUMA BA GO ŠIROGA MOTŠHELO

Lionel Messi

Naledi ya tša kgwele ya maoto ya Barcelona FC le Argentina Lionel Messi le tatagwe Jorge Horacio ba lefetše €10 million ya motšhelo wa go šalela morago ba leka go phepha le go efoga go lefišwa dikotlo tša motšhelo, Bobedi ba biditšwe go tšwelela kgorong ya tsheko kgauswi le Barcelona ka Setemere 2 013, mabapi le motšhelo wo o kolotwago bakeng sa letseno la ditokelo tša tshwantšho ka 2010 le 2011. Ge ba ka ahlolwa, ba ka lebanwa ke kotlo ya mengwaga ye tshela kgolegong.

Dolce le Gabbana

Batlhami ba go tuma lefaseng ka bophara ba baakanyetši ba Italy ba leibole ya Dolce & Gabbana, Domenico Dolce le Stefano Gabbana ba ile ba ahlolwa ke kgoro ya tsheko ya Milan ka June 2013 bakeng sa go efoga motšhelo. Batšhotšhisi ba ile ba ba latofatša gore baakanyetši ba ba fešene ba ile ba palelwa ke go laodiša €200 million ge maswao/diprante tša bona tša dikhamphani tše pedi tše dikgolo di be di rekišwa ka Luxembourg moo khamphani e theilwego gona.

Dolce le Gabbana ba ile ba golegwa sebaka sa ngwaga o tee le dikgwedi tše seswai, go golegwa ga bona go ile gwa fegwa, gomme baile ba laetšwa gore ba lefele kotlo ya €500 000 go taolelo ya motšhelo ya Italy.

Mo dikgetsing tša go arogana ka Italy, ka 2000 mohu moopedi wa mmimo wa opera Luciano Pavarotti o lefetše palo ya go feta \$12 million ya motšhelo wa go šalela morago, mola, nkgwete ya lefase MotoGP Valentino Rossi a dumetše go lefela \$51 million go agente ya Italy ya motšhelo ka 2008.

Lauryn Hill

Ka Mei 2013 leloko la peleng la sehlopha sa baletši sa Fugees la go tuma kudu leo le thupilego sefoka ka alepamo ya gagwe ya go opela ka noši ya *The Miseducation of Lauryn Hill* o ile a golegwa dikgwedi tše tharo ka kgolegong ya Federal gomme a golegwa gape dikgwedi tše tharo ka kgolego ya ka gae bakeng sa go se lefele motšhelo wa go feta \$2 million ya megolo ya sebaka sa mengwaga ye mehlano. O ile a ipona molato go ditatofatšo tša 2012. Ka kakaretšo, batšhotšhisi ba Federal ba re Hill o ile a hwetša mogolo wa \$2.3 million mo mengwageng e mehlano gape o bile le palomoka ya motšhelo wa go se lefelwe wa \$1,006,517. O boditše kgoro ya tsheko gore o be a tloga a ikemišeditše go lefela metšhelo ya gagwe eupša o ile a palelwa ka ge mošomo wa gagwe wa boiphedišo ile wa sesa sepela gabotse.

Wesley Snipes

Ka 2 Aprele 2013 Modiragatši wa modudi wa America, motšweletši wa difilimi, le setsebi sa bokgabo bja ntwā (martial arts) Wesley Snipes o ile a lokololwa kgolegong ka morago ga mengwaga ye meraro bakeng sa go palelwa ke go romela dipušetšo tša motšhelo wa letseno. Snipes o ile a latofatšwa gararo ka bosenyi bja go se faele pušetšo ya motšhelo ka 2008. Magareng ga 1999 le 2001, Snipes o efofotšwe motšhelo wa \$7 million. Enngwe ya boitšhireletšo bja setlogo bja Snipes e bile gore o be a itshephile baeletši ba gagwe ba tša motšhelo, Eddie Ray Kahn le Douglas P. Rosile. Ba ile ba golegwa ke kgoro e tee ya tsheko tša bomenetša le borukhuhli bja motšhelo gomme bobedi bo ile bja golegwa sebaka se se telele go feta Snipes.

Leona Helmsley

Mohumi wa tša dihotele wa go tuma o tsopotšwe a re "Ga re lefele metšhelo. Ke fela batho ba bannyane bao ba lefelago metšhelo." Moahlodi o file taetšo ya gore kotlo ya kgolego ya gagwe e thome ka 15 Aprele ka letšatši leo e lego Letšatši la Motšhelo ka USA.

Al Capone

Ga se ba kgone go fega ditefišo go Mrn. Capone bakeng sa go ipshina eupša go efoga ga gagwe go lefela motšhelo go lebišitše go go wa ga gagwe.

Ulrich Hoeness

Ulrich Hoeness, nkgwete ya tša kgwele ya maoto ya Germany gape e be e le mopresidente wa peleng wa kgwele ya maoto ya Bayern Munich o ile a golegwa mengwaga ye meraro le seripa ka kgolegong morago ga ge a ile a latofatšwa ke kgoro ya tsheko ya Germany ka Labone 13 Matšhe 2014 ka bomenetša bja motšhelo. Hoeness o ile a radia mmušo wa Germany 27m Euros ya motšhelo wa go se lefelwe. O ile a re a ka se dire boipiletšo go sephetho se se tšeerwego gomme o ile a itokolla mošomong bjale ka mopresidente le modulasetulo wa lekgotla la sehlopha sa kgwele ya maoto.

